

per persunas d'instrucziun, mainascoulas e cussagls da scoula



Nr. 4 2023/24

Part generala

Instrucziun da nodar

Las raccomandaziuns valablas d'infin quia a regard l'instrucziun da nodar e la chüra d'occurrentas da nodar tras persunas d'instrucziun sun gnüdas missas our d'vigur. Sülla pagina d'internet da l'USS/AVS as chatta las novas prescripziuns.

[Ulteriuras infuormaziuns](#)



ChatGPT e scoula

La publicaziun d'üna versiun da test dal KI-Chatbot ChatGPT in december 2022 ha chaschunà ün'isteria illas medias socialas ed illas medias da massa. Suvent vain dumandà che consequenzas cha generatur da lingua e d'intelligenza artificiala hajan per la scoula. La professura 'Digitalisaziun e fuormaziun' a la Scoul'ota da pedagogia Schwyz (SAPSZ) s'ha approfondida illa tematica ed ha publichà sias valütaziuns.

[Valütaziuns davart ChatGPT & scoula](#)



Material suplementar New World 3-5

L'Uffizi per la scoula ed il sport ha prolungà il contrat da gestiun per la plattform 'New World 3-5' culla Scoul'ota da pedagogia dal Grischun (SAPGR). Sün quella chattan persunas d'instrucziun sco fin quia materialias supplementaras pels mezs d'instrucziun 'New World 3-5'. Per mincha unit stan a disposiziun: Additional and differentiating teaching material, Games and Songs, Grammar, Sample test exercises, Vocabulary.

Sülla plattform Moodle as chatta las materialias per 'New World' suot 'Meine Kurse'. Per rivar sün Moodle stöglian persunas d'instrucziun e mainascoulas avair ün conto da

'Switch Edu-ID'. Switch es üna fundaziun chi spordscha servezzans da IT per scoulas otas svizas.

[Dumondas davart Moodle resp. la plattform](#)



[Video explicativ 'Moodle'](#)



Gruppas accompagnantas 'Digitalisaziun'

Las trais gruppas accompagnantas 'Digitalisaziun', chi's cumpuonan da persunas d'instrucziun da tuot ils ciclus da la scoula populara e da tuot las regiuns linguisticas dal chantun, han salvà duos sezzüdas daspö il cumanzamaint da l'on da scoula 2022/23. Davo üna prüma discussiun tematica fich vasta lavuran ils commembers actualmaing vi da las cumpetenzas d'applicaziun. Prüms resultats chi dessian sustgnair l'instrucziun as poja spettar sül cumanzamaint da l'on da scoula 2023/24.

[Che sun cumpetenzas d'applicaziun?](#)



Gruppa accompagnanta 'Talian' primara

La gruppa accompagnanta 'Talian' ha publichà pels 31 schner 2023 la verificaziun la plü actuala.

[Verificaziun 'Talian' primara](#)



Barat da persunas d'instrucziun culla Scoula Svizra Milan

Il chantun grischun es ün chantun da patronat per la Scoula Svizra Milan. Suot la direenziun da 'educationsuisse' insembel cun Movetia survegnan persunas d'instrucziun dal Grischun la pussibilità da tour part ad ün 'Job-Shadowing' a la Scoula Svizra Milan d'utuon 2023. Il proget as drizza a persunas d'instrucziun e mainascoulas chi sun interessats da gnir a

cugnoscher ün oter sistem da scoula e da ponderar cun persunas d'instrucziun sül lö davart realitads d'instrucziun novas.

Temp: 16 fin 20 october 2023

Cuosts: 250.00 francs per persuna

Annunzcha: cul formular d'annunzcha fin ils 24 avrigl 2023 directamaing pro la manadra da proget Margret Scherrer (mscherrer@gmx.ch)

P.pl. remarchar: Il numer da plazzas es limità.

[Infuormaziuns 'Job-Shadowing Milan'](#)



[Annunzcha \(formular\)](#)



Luf tscharver-luf-uors

La Pro Natura pussibiltescha cun l'agüd d'instrucziun 'Luf tscharver-luf-uors, ils trais gronds sun inavo' - chi sta libra maing a disposiziun - a las scolaras ed als scolars d'imprender a cugnoscher il möd da viver da nossas grondas beschas rapazzas. Ils uffants imprendan, perche cha las beschas rapazzas tuornan, che bsögns ch'ellas han, che rolla ch'ellas giovan i'l sistem ecologic e che cha lur derasaziun significha pels umans. In quist connex vegnan tematisats eir ils conflicts, las masüras da protecziun necessarias e differents puncts da vista. I'l sen da la fuormaziun per ün svilup persistent (FSP/BNE) vegn sainz'oter dat pais a la müdada da perspectiva ed uschè al process da l'aigna fuormaziun da l'opiniun. Ils documaints sun concepits surtuot pel ciclus 2.

[Luf tscharver-luf-uors, ils trais gronds sun inavo](#)



Dalet o arsaja?

"Eu pudess gamar minchadi", "Vè, bavain amo üna!" - Listess, schi's tratta da gös da computer o da consüm d'alcohol, la toleranza sociala da talas remarchas es ota ed il risch vain suvent scugnuschü. Ün dossier tematic dad educaziun21 cun il titel 'Giodimaint o dependenza?' spordscha differents access per sclerir cun scolaras e scolars il process da las negoziaziuns tanter ün consum controllà e per discuter in quist connex la respunsabilità dal singul e da la società.

[Dossier tematic 'Giodimaint o dependenza'](#)



Il soggiorn CORSOintensiv

Il modul CORSOintensiv da la Scoul'ota da pedagogia da San Galla e chi düra 6 fin 10 eivnas es adattà a persunas d'instrucziun chi sun in tschercha d'üna pussibilità da soggiorn e chi vögljan as dedichar a lur management da sai svess. In quist modul daja eir bler plazza per recrear, rier e per imprender a cugnoscher robas novas. L'accumpagnamaint professional dals manaders dals cuors pussibiltescha novas ideas e novas perspectivas sülla situaziun professionala e privata e rinforza la personalità.

[Infuormaziuns davart CORSOintensiv](#)



Register mezs d'instrucziun 2023/24

Il register dals mezs d'instrucziun vain approvà da la regenza e publichà minch'on. Quia sun nomnats ils mezs d'instrucziun obligatorics e racumandats per las scoulas popularas dal Grischun.

[Register da mezs d'instrucziun GR 2023/24](#)



Mutaziun aint il inspectorat da scoula

A partir dals 1. schner 2024 surpiglia Philipp Hugentobler, chi lavura daspö il 2019 sco inspector da scoula i'l district Grischun Central, la direcziun da l'inspectorat chantunal dad Andrea Caviezel. Nus al gratulain cordialmaing per sia tscherna!

Cordials salüds

Chantal Marti-Müller
Manadra USS

Andrea Caviezel
Manader inspectorat da scoula

Part regionala

Termins

Data	Occurrenza	Adressats
29-03-2023	Accent tematic 2022/23: Valütaziun ill'instrucziun	PI annunzchadas
12-04-2023	Assegnaziun definitiva	6. cl./1 R
30/31-05-2023	Examen da recuors	6. cl./1 R
07-06-2023	Barat regional a Zernez in connex cull'EVA dal rom ERC	PI primara, tuots MS
13-06-2023	Occurrenza d'infuormaziun a Zernez Attenziun: ANNULLÀ	Tuots CS/MS
15-06-2023	Occurrenza d'infuormaziun a Samedan Attenziun: ANNULLÀ	Tuots CS/MS

Cordials salüds

Inspectorat districtual Engiadina-Val Müstair-Samignun
Bettina Salutt, Urs Kühne, Curdin Lansel

